



Тўғриси айтсам, қуйи синфларда чет тили фанига унчалик қизиқишим йўқ эди. Ўзбекистонимиз ўз мустақиллигини қўлга киритиб, жаҳонга юз тутаётган ҳозирги шароитда чет тили, айниқса, инглиз тилининг нечоғлик аҳамияти катта эканлигини тушуниб етдим.

**"ТИЛ БИЛГАН — ЭЛ БИЛАДИ"**  
2-БЕТ.



У ДЕЙДИКИ: "Тун билан сирдошман. Лекин тун чўкканда гулнинг хўрсинишига ачинаман. Чунки..."

Тунни севолмайди очилган гуллар Қўрқади шамолнинг қийноқларидан.

**"КЕЧМИШНИ ХАЁЛДА  
КЕЧИРИШ ҲАМ БОР"**  
3-БЕТ.



Биринчи китобчаси чиққан одамнинг хол-руҳиятини ҳеч кўрганмисиз? У дўсту ёрининг кўзига "қачон мени табриклар экан", деб тикилиб туради. Жудаям сабри чидамай, юраги тошиб кетса, "менинг китобим чиқди" деб кўрсатади.

**"КИТОБЧА МУБОРАК!"**  
4-БЕТ.

# ТОНГ ЮЛДУЗИ

№32


(6850)

22 сентябр, 1993 йил

ЧОРШАНБА

Сотунда эркин нархда.

Ўзбекистон балалари ва ўсмирларининг газетаси



**ОБУНА - 94**

**Б**олалар, сизлар ҳам таажжубга тушаётган бўлсангиз керак, "Нега бу йил ҳеч бир газета ва журнал обуна ҳақида жар солмаяпти", деб. Бунинг ўз сабаблари бор. Биринчидан, нарх-наволарнинг беқарорлиги боис қоғоз нархи, нашр этиш харажатлари ва почта хизмати қийматининг ўзгарувчанлигидан ўз вақтида обуна баҳосини белгилашнинг имкони бўлмади. Иккинчидан, кўнглимизда бир ҳадик бор. Сиз "Тонг юлдузи"нинг обуна баҳосини қиммат деб ўйламасмикансиз?! Гарчанд, шундай бўлсада, биз сизга ишонамиз. Барча имкониятларингизни ишга солиб, ёзда меҳнат қилиб топган жамғармангиздан ёки ота-онангиздан 3 минг 840 сўм олиб, севимли газетангизга обуна бўласиз. Лекин ростини айтсак, бу унчалик қиммат ҳам эмас. Ахир бозордаги бир дона оддий қоғоз халта 50 сўм, музқаймоқ — 100 сўм, чайнарсак — 150-200 сўм бўлган бир пайтда бир нухаси 40 сўм бўлган "Тонг юлдузи" — арзонда. Ўйлаймизки, сиз ҳам шундай деб, ота-онангизни севимли газетангизга обуна бўлишга кўндирасиз.

**Обуна баҳоси:**

**ЯРИМ ЙИЛГА — 1.920**

**1 ЙИЛГА — 3.840 сўм,**

Сиз 1994 йилда "Тонг юлдузи" саҳифаларида: ўгай она дастидан дарбадарликда юрган Қодирнинг қисмати, ўзга сайёраларга учмоқчи бўлган Сардор ҳақидаги мақолаларни ўқийсиз.

Шунингдек, "СЕНИНГ ҲАҚ-ХУҚУҚИНГ", "ШАНБА — ОТА-ОНАЛАР КУНИ", "МУНОЗАРА", "ЎҚИТУВЧИ ВА СЕН" каби саҳифаларда бериб бориладиган мақолаларни ўқиб эерикмайсиз.

Ф. СП-1

Ўзбекистон Алоқа вазирлиги «Матбуот уюшмаси»  
№ **ТОНГ ЮЛДУЗИ** № **64563**  
(нашр номи) (нашр кўрсаткичи)

**рўзномасига ОБУНА**

обуна соми

1994 йил учун (ойлар бўйича)

1	2	3	4	5	6	7	8	9	10	11	12
---	---	---	---	---	---	---	---	---	----	----	----

Қаерга

(почта кўрсаткичи)

(маҳвил)

Кимга

(насаби: исми ва отаси исмининг бош ҳарфлари)

**РўЗНОМАНИ ЕТКАЗИШ ВАРАҚЧАСИ**

**64563**

п.в. жойи

(нашр кўрсаткичи)

№ **ТОНГ ЮЛДУЗИ** №  
(нашр номи)

обуна	баҳоси	сўм	обуна соми
янги маълумотлар	баҳоси	сўм	

1994 йил учун (ойлар бўйича)

1	2	3	4	5	6	7	8	9	10	11	12
---	---	---	---	---	---	---	---	---	----	----	----

Қаерга

(почта кўрсаткичи)

(маҳвил)

Кимга

(насаби: исми ва отаси исмининг бош ҳарфлари)

Яқинда автобусда кетаётиб, бир воқеанинг гувоҳи бўлдим. Автобусда одам кўп, ўриндиқлар эса асосан ёши катта йўловчилар билан банд. Ўрта эшик олдидаги ўриндиқдагина ниҳоятда дид билан кийинган, пардозу андозларини жойига қўйган уч нафар қиз ўтиришарди. Аллақандай чет эл кийимлари, соч бўёқлари, оёқ ки-

қизлардан жой беришларини илтимос қилди. Улардан бири ҳатто қайрилиб қарашни ҳам лозим топмай, жавоб қайтарди: "Биз ҳам одаммиз, кечгача ўқиб, чарчаб келяпмиз". Шунда уларнинг орқасидаги ўриндиқда ўтирган ўрта ёшли киши кампирга жой бўшатди...

Умрида Ўзбекистонда бўлмаган,

лекин манбаалар, китоблар орқалигина маълум тасаввурга эга бир чет элликдан сўрашибди: "Сиз ўзбек қизларини қандай тасаввур қиласиз?" Шунда у: "Ўзбек қизлари менинг назаримда дунёда энг кучли шарм-ҳаё ва латофат эгаларидирлар" деб жавоб қайтарган экан. Ҳалиги қизларнинг ҳатти-харакатларини кузатар эканман, беихтиёр хаёлимдан шулар ўтди. Ажнабийлар

## Одоб ва ахлоқ

тасаввурдаги латофатли қизлар шуларми? Нодирабегим, Увайсий, Барчинойу қалдирғочларнинг аждодлари қани? Хаёлимдан шу хусусдаги фикрлар кечар экан, ҳозиргина дилимизни оғритган қизларнинг ота-оналари ҳақида ўйлаб қолдим. Кейинги пайтда бундай "замонавий" қизларимизнинг кўпайиб кетаётгани сир эмас. Кўпчилик аёлларнинг ўзаро суҳбатига қулоқ тутсангиз, улар "қизим бирор юмушни ўрганиб олди, унга рўзғор тутишни ўргатяпман" деган гаплар ўрнига "қизимнинг сарпосига фалон сўмга фалон матодан олиб қўйдим" деган гаплар кўпроқ учрамоқда. Назаримда бундай ота-оналар қизларининг бахтидан кўра, кўпроқ тахти ҳақида қайғуришаётгандек.

Умид қиламанки, кунлар келади! Биз Увайсийу нодирабегимларнинг иболи қизларига айланамиз.

Наргиза Тўраева,  
Яккасарой туманидаги  
118-мактабнинг 11-“А” синф  
ўқувчиси.

## ЯНА ҚИЗЛАР ҲАҚИДА

йимлари ҳақида рус тили билан ўзбек тилини "қориштириб", шу даражада шанғиллаб гапиришардиларки, гўё автобусда улардан бошқа ҳеч ким йўқдек...

Автобус навбатдаги бекатда тўхтаганда, бир қўлида халта, иккинчи қўлида ҳасса тутган онахон чиқди. Ёшлар жой беришар, деган илинжда уларнинг ёнига келиб турди. Қизлар эса жой беришни хаёлларига ҳам келтиришмасди. Кампирга бошдан-оёқ назар ташлаб яна гапларида давом этаверишди. Бу холдан таъсирланган ўрта ёшли бир аёл



Неъматжон ТУРДИЕВ. Наманган вилояти, Чортоқ туманидаги 4-мактабда ўқийди. Иқтидорли болаларнинг II Республика фестивали қатнашчиси. Шеърлари матбуотда аввал эълон қилинган.

У ДЕЙДИКИ: "Тун билан сирдошман. Лекин тун чўкканда гулнинг хўрсинишига ачинаман. Чунки..."

Тунни севолмайди очилган гуллар  
Кўрқади — шамолнинг қийноқларидан.

— Неъматжон, агар қарши бўлмасанг, кел, бугунги суҳбатимизни аввалгилардан ҳийла ўзгачароқ, яъни шеър таҳлили устида фикрлаш билан бошласак.

Ёмғирлар савалар болалигимни,  
Фасллар тушларин экади — кўлча.  
Сочи — оқ, кўзлари қорачиғида  
Чорлайди туманлари қутурган йўлдан.

"Болалик" деб номланган шеъринг шундай бошланади. Агар иложи бўлса, ушбу машқингни атрофлича тушунтириб берсанг.

— Одатда, болалик ҳақида шеър оддий, тушунарли, силлиқина ёзилиши керак. Ҳар қалай бурунгилар шундай дейишарди. Лекин бугунги кун шеърятни бунга бўйсунмайди, деб ўйлайман. Чунки шеърятни қолиплаб бўлмайди.

Шеър таҳлилига келсак, "Ёмғир" — бу метафорик образ. Саволларнинг тўкилиши. Болалигинг ўтмоқда, ул-гуриб-ултурмаган ишларинг

саробмасми? Қаёқларга қетмоқдасан, нега етмоқчисан? Кексаликками, ана у — "сочи оқ" турибди, туманларга ўралган болалик йўлидан сени чорлаб, "Чорлаш" — бу умрнинг ҳисоб-китоби.

Болалик тўхтади, қолди чанг ютиб,  
Дилнинг буржларида

## КЕЧИРИШ ҲАМ БОР

ҳислар синади.  
Тургандек камалак ёмғирни кутиб,  
Руҳимга бир буюк умид знади.  
Яшашга шошмайман — Болалик!

Ана энди у югураётгани йўқ, йўлнинг "чанг"ларин ютмоқда, у тезроқ улғайиш "ҳислар"ини бир оз шоширмай, "болалик кўчаси"нинг қувноқликларига тўймоқчи. Хуллас, бир сўз билан айтганда, кечмишни хаёдан кечириш ҳам бор. Буни болаликка қайтиш орзулари дейдилар.

— Неъматжон, шеърларингни тенгдошларинг "ҳазм" қилиши қийин эмасмикан?

— Шеърятда шундай гап бор, шоир ўзига тегишли бўлган майдоннигина эгаллайди. Бу унинг ҳақиқатга етгани. Бошқаларнинг у кашф этган майдонга кириш-қирмаслиги уни қизиқтирмайди.

— Демокчисанки, санъат-санъат учун хизмат қилади.

— Эҳтимол шундайдир.

— Ҳар қандай ижодкор улғайиши билан унинг ҳаётга қарши ўзгариб, инсон руҳиятига тобора қизиқиши орта боради. Демак, унинг борлиқдаги нарса,

## Кичкина одам билан катта суҳбат

воқеа-ҳодисаларга муносабати ҳам ўзгариши табиий. Бунда кечагина қувноқлик рамзи бўлиб хизмат қилаётган образлар, орадан кўп вақт ўтмай, ўзгариш ясаб, қандайдир ҳазин, мунгли ҳиссиётларга ошно тутунади. Албатта, бу оралиқ масофани улғайиш фасли, деб атасак ҳам ярашади. Демокчиманки, кечаги ва бугунги

шеъринг орасида фарқ, яъни мукамалликка эришиш изланишлари сезиладилми?

— Албатта, бу табиий жараён. Масалан, ушбу шеъримни олайлик.

Яна руҳга сингар тиланчи оқшом,  
Хўрсиниқ мудрайди гулнинг дилида.

Бу — тундан мўъжизалар кутаётган қувноқ мен ва бунинг тамомила акси бўлган "хўрсиниқ"ла тонгни кутаётган интиқ гул ҳақида. Чунки гулнинг қуёш нурларисиз яшаши оғир...

— Тундан мўъжизалар кутишга сабаб нима?

— Чунки тун ёзиш учун яратилган имкониятдир. Балки у шу тунда мўъжиза яратар ёки ҳеч нарса яратмас. Ҳёте айтмоқчи: "йўқотганим фақат вақт" бўлар.

Кун-ўлик вақт. Шоир ухламоқда.

Тун — тилаб олинган бир кунлик етим бола. Шоир безовта, ёзади-ўчиради, ўчиради-ёзади, минг йиллик қайтариқ.

Тонг — бир кунлик умр ўтганига бонг. Шоир нима қилди? Ҳеч нарса. Ёзган-ўчирган, ўчирган-ёзган...

Шоир ухламоқда. Лекин кўзларида нимадир яратиш заҳмати бор — кўза синар бир кун.

Суҳбатдош:  
Шакар СУННАТОВ.

ШОИР АБДУВАЛИ  
ҚУТБИДДИНГА  
Тоғларни кўзида булут  
сузмайди,  
Қаҳрни тилидан дил гул  
узмайди,  
Оққушлар тун бўйи  
қафас бузмайди,  
Биз шоир эмасмиз —  
биз Абдували.

Азонлари моҳ меҳридан  
қонолмайман,  
Мен кунлари ку-у  
ул бўламан, ёнолмайман.  
Фақат синиқ руҳдангина  
тонолмайман,  
Биз шоир эмасмиз —  
биз Абдували.

Шоир бўлсак...  
Қушлар йиғлармиди  
ортимизга қараб,  
Кўкларга қараб  
ҳайқирармиди анҳор.  
Ой ҳам қоларми  
пиқиллаб...  
Биз шоир эмасмиз —  
биз Абдували.

... Алмисоқдан қолган  
қофия тун-кун...  
Мавзу ҳам йўқ  
қора тундан ўзга.  
Ташбеҳлар ҳам ўша-ўша,  
Оҳорлари тўкилган  
бахор...

## ТИЛ БИЛГАН — ЭЛ БИЛАДИ

Тўғриси айтсам, қуйи синфларда чет тили фанига унчалик қизиқишим йўқ эди. Ўзбекистонимиз ўз мустақиллигини қўлга киритиб, жаҳонга юз тутаётган ҳозирги шароитда чет тили, айниқса, инглиз тилининг нечоғлиқ аҳамияти катта эканлигини тушуниб етдим. Дарсларда инглиз тилидан сабоқ олиш билан бирга, мактабимиз қошида ташкил этилган инглиз тили тўғарагига ҳам аъзо бўлдим. Тўғарак машгулотларимиз устозларимиз Муборак опа Раҳмонова ҳамда Номозжон ака Омонов раҳбарлигида жуда қизиқарли, жонли суҳбатлар, савол-жавоблар тарзида олиб борилаётганлигиданми, инглиз тилига ҳам ўз она тилимиздек меҳр қўйганмиз.

Аваллари чет элларга чиқиш, у ерларда яшаб келиш ҳақидаги гаплар етишиб бўлмас бир орзудек туюлар эди. Ҳозирда эса биз ешлар учун жаҳон эшиклари кенг очилган. Орзуга айб йўқ деганларидек, инглиз тилини ешликданоқ мукамал эгаллаб, келгусида чет элларга чиқиш ишлаш ниятидамиз.

**Матлуба УСМОНОВА,**  
Фаргона вилояти, Бувайда туманидаги 12-мактабнинг 7-синф ўқувчиси, инглиз тили тўғараги аъзоси.



## Ҳавасим келди

Дугоналарим Нигора ва Холида ўтган ўқув йилида мактабимиз қошида фаолият кўрсатаётган "Моҳир кўллар" тўғарагига аъзо бўлишган эди. Зеҳли қизларнинг бир ой ичида тикиш, тўқиш ишларига анча қўлларни келишиб қолди. Ҳатто кўрик-танловда ҳам иштирок этиб, 1-ўринни қўлга киритиб қайтишди. Ёзги таътил давомида эса улар устозларидан олган сабоқларини амалда мустаҳкамлаш учун ўзларига, опа-сингилларига турли кўйлакчалар тикишди, пайпоқлар тўқишди. Уларнинг машгулотларини кузатар эканман, чевар дугоналаримга ҳавасим келди.

Бу ўқув йилида эса мен ҳам бичиш-тикиш тўғарагига аъзо бўлдим. Эндиликда устозимдан жажжи-жажжи кийимлар тикиш машини оляпман.

**Рухсора УСМОНОВА,**  
Самарқанд вилояти, Нарпай туманидаги 24-мактаб ўқувчиси.

## ТАЪТИЛДА САЁҲАТГА

Ўтган ўқув йилида мактабимизда синфлараро темир-терсак йиғиш мусобақаси уюштирилган эди. Бу мусобақа ўқишлар тугалланиши арафасида якунланди. Мусобақа шартларига кўра, энг кўп темир чиқиндилари тўплаган синф голиб деб топилди ва тоққа бепул саёҳатга бориши лозим эди.

Мусобақада 8-“Б” синф ўқувчилари голиб, деб топилди. Ёз-

ги таътилда эса улар бепул тоққа саёҳатга чиқишиб, бир олам таассуротлар билан қайтишди. Синфларининг голиб чиқишида муносиб ҳисса кўшган Б. Эргашев, Ф. Толипов, Б. Зиёдуллаев, Т. Муҳитдинов сингари ўқувчилар бу йил ҳам голибликни қўлдан бой бермасликка аҳд қилишган.

**Шаҳло РАВШАНОВА,**  
Оқдарё тумани М. Улутбек номидаги мактаб ўқувчиси.

## — ҚИРҚИШ ЧИЗИҒИ —

### ҲУРМАТЛИ ГАЗЕТХОНЛАР!

Обуна варақасини беҳато тўлғазингизга ҳаракат қилинг! Агар обуна «Союзпечать» агентлигида расмийлаштирилган бўлса, касса аппаратининг муҳри, алоқа бўлинмаларида расмийлаштирилганда эса календарь штемпели, албатта, бўлиши керак.

Бу ҳолда обуначиларга абонемент билан бирга пул қабул қилинганлиги ҳақида квитанция берилади.

### АЗИЗ ОБУНАЧИ УРТОҚЛАР!

Газета ва журналларга обуна варақасини сиёҳли ручкаларда, хатосиз, сўзларни қисқартирмасдан ва тушунарли қилиб тўлғазинг. Обуначи ўз турар-жой адреси, исми ва фамилиясини аниқ ёзиши талаб этилади.

Обуна варақасидаги «ПВ-МЕСТО» деган ёзувли катакларни алоқа бўлинмалари ва «Союзпечать» агентликларини тўлдиринг.

(Охири. Бошланиши ўтган сонларда).

Шу режага мувофиқ лашкар 1404 йил 27 ноябрда Самарқанддан узоқ сафарга йўл олди.

Дастлаб юриш бехатар ва осойишта борди. Отлар илдам, чериклар эса бардам кетишди. Кечалари қозонлар қайнаб, гулханлар порлаб турди. Энг хатарлиси чўл бўрони эди. Очиқ чўлда, қаттиқ совуқда, ерга қор тўшалган маҳалда у роғат таҳликали. Бўрон бошланганда ҳаммаёқ оқ тусда, магрибу-маширнинг фарқи қолмайди.

Қирғиз чўлида лашкар ана шундай балонинг даракчиларига дуч келди. Бўрон кучайиб, изгирин кутурди. Бундай вақтда гулхан ҳам,

юборса...

Мавлоно Фазлуллоҳ бошчилигидаги табиблар хилма-хил муолажалар бошлашди.

— Қўшин ҳолими билмасин, — деди секин Темурбек суюкли рафиқасига.

— Бош устига, бегим, — илтижоли кўзларини узмай деди Бибиҳоним. Аммо шум хабар яшин тезлигидек ўтовдан ўтовга ўтган эди. Жой-жойларда беку-амирлар хуфёна маслаҳатлар кура бошладилар. Ўттиз беш йилдан бери Темурбекнинг адолатли қўли остида димиқиб ётган фитна девлари гимирлаб қолишди. Чўлу биёбонда адашиб қолган тойган йўловчи йиқилишини пойлаб атрофда изгирин қузғунлар мисоли саркардалар, амиру-беклар, шаҳзодалару уларнинг отлиқлари соҳибқирон ўтови атрофида уймалашиб қолишди.

Кунлар устидан кунлар ўтса ҳам дард енгиллашмай баттар хуруж қила бошлади. Бемор тўшаги устида кунутун мижа қоқмай ўтирган Бибиҳонимнинг эса умид шамчироғи ҳали сўнмаган эди. У тангрига тинмай илтижо қилиб мўъжиза кутарди.

Темурбек оёқ томонида пойгада жойлашган амиру бекларга кўзи тушди. Қол-аҳвол сўрашишга уларга сўнгги амрини баён қила бошлади:

— Маълумотингиз бўлгайки, Жаҳонгир Мирзонинг фарзанди Пир Муҳаммад Мирзони валиаҳд этиб тайинлайдурман, токи Самарқанд тахти ва аркони давлатнинг ҳукми фармонда бўлгай. Мамлакат ва миллатнинг осойишталиги, қўшин салоҳиятининг мукамаллиги, раиятнинг хотиржамлиги борасида фойдали тадбирлар кўрсин. Бинобарин, сизлар ҳам итоат ва эҳтиром борасида унга байъат билдириб, салтанатни бошқаришда, эл-юртнинг тинчлиги, мусулмонларнинг осойишталигига умумжиҳат бўлиб, кўмаклашмоғингиз лозим. Чунончи, сизларнинг ҳамжиҳатлик ва иттифоқ билан қилган ишларингиз узоқ-яқиндаги дўст-душманларга кўриниб турсин, токи ўзаро низоларга ўрин қолмагай. Билъакс ўзаро низолар вужудга келиб, барҳам топгай. Инчунин, меннинг кўп йиллик саёй-ҳаракатларим зое кетгай...

Буюк бахт юлдузи соҳиби, хумоюн-шавкатли, ҳамқори офтоб, давлати турк — Турк давлатининг қудратли куёши ҳамда онҳазрат — улугвор шоҳ деб таърифланган Амир Темур оламдан кўз юмди.

**Тошкент — Москов — Самарқанд.**  
**Қарши — Термиз — Шаҳрисабз.**  
1970-1991 йиллар.

### МУҲАРРИРИЯТДАН:

Қадрли илми толиблар! Мана, сиз газетанинг бу йилги бир неча сонларида таниқли журналист ва тарихчи олими Ҳамдам Содиқовнинг "Амир Темур" номли тарихий асарининг ниҳояси билан ҳам танишдингиз.

Шаксизки, асар сизга соҳибқиронимиз Амир Темурнинг кечмишларидан жуда қимматли маълумотлар берган.

Балки сизда асар мутолааси давомида баъзи тарихий воқеалар, қаҳрамонлар ҳақида саволлар туғилгандир? Агар шундай бўлса, бу ҳақда газетамизга ёзиб юборинг. Иложи борица уларга жавоб беришга ҳаракат қиламиз.

Уйлаймизки, тарихчи олимининг ушбу асарини китоб ҳолида чоп этилиб, сизнинг қўлингизга етиб боради.



тарихий лавҳалар

## КИТОВЧА МУБОРАК!

Биринчи китобчаси чиққан одамнинг хол-руҳиятини ҳеч кўрганмисиз? У дўсти-ерининг кўзига “қачон мени табриклар экан”, деб тикилиб туради. Жудаям сабри чидмай, юраги тошиб кетса, “менинг китобим чиқди”, деб кўрсатади. Мен кўплаб бунинг гувоҳи бўлганман.

Гап шундаки, шу бир йил орасида икки ўқувчи менга ўз китобчасини совға қилди. Уларнинг бири — Дилфуза Расул қизи. Иккинчиси — Оллоёр Бобонов. Иккаласи ҳам Қашқадарё фарзанди. Иккаласи ҳам — Республика нафис Санъат мактаб-интернатининг юқори синфида бирга ўқийди. Ўтган йили Дилфузанинг “Учаётган турналар”


тўпламини “Насаф” нашриёти чоп этган бўлса, бу йил Оллоёр Бобоновнинг “Бўрининг укаси” китобчасини “Чўлпон” нашриёти нашр этди.

Оллоёрнинг китобчаси жуда ихчам, шеърлари ундан ҳам ихчамроқ. Бироқ, ҳар бир шеърда юмор, болалик самимияти кучли. Шеърига ўхшаб Оллоёрнинг ўзини ихчамгина, нозиккина. Лекин шеъри каби еқимли бола.

Мен унга оқ йўл тилар эканман, бир умр шеърлари магизли, нафис бўлишини истайман.

Сафар БАҲНОЕВ.

Сизнинг китоб жавонингизга



“Укачилик”

Кўриб қолди Тулқивой  
Қопқон узра гўшт турар.

“Меҳмон қилай акамни”, —  
Деб Бўрига югурар.

**Олов**

Ошпаз бола, майли, тез  
Соз битқазай ишингни.  
Бироқ ёнимда доим  
Йиғиб тур эс-хушингни.

**Варракчи**

Варрак учириб Норкул  
Дер: “Яйра, уч, каптарим!”  
Сўнг бормаиди мактабга  
Тугади деб дафтарим.

**Паргор!**

Айланганинг айланган,  
Кетолмайсан узоққа.  
Ўз оёгингдан ўзинг  
Тушибсан-да тузоққа.

**Чизғич**

Кўлимга олган чоғим  
Тўғри чиз, деб турасан.  
Атрофда эгрилик кўп,  
Сен қаердан биласан!

1/ Циркуль.

### Наврўз

Энг муқаддас кундир бу,  
Ётдир жанжал, тўполон.  
Нияти пок инсонлар  
Қадашарлар ерга дон.

### Қуёшжон

Бизла тер тўкар  
Кун бўйи қуёш.  
Уйкуга кетар  
Пишган чоғда ош.

### Сингилгинам

Тўкилган олмалардан  
Еявер, деса дадам.  
Шоҳга қараб қўл чўзар  
Атай, қайсар Муҳтарам.

### Қизиқувчанлик қурсин

Кўшнисин ойнасига  
Қочди биров отиб тош.  
Кимлигин билмоқ бўлиб  
Балога қолди Йўлдош.

### Гўдак-да

Синглим нолир: “Челакчамни  
Сувга солсам тўлмайди!”  
Таги катта тешиклигин  
Нодонгинам билмайди.

### Ойга боқиб

Бир жумбоқ қийнар  
Жажжи Ботирни:  
“Ким ёпар ҳар кеч  
Кўкка патирни?”

### Баҳона топди

Хол укасин йиқитиб  
Қонатибди тишини.  
Дадажони койиса,  
Дер: “Ўргатдим “у-шу”ни”.

### Ўчирғич

Хато ёзса қаламим  
Раҳм-шафқат қилмайди.  
Бу хатога йўл қўйган  
Мен эканим билмайди.

### Аълочи хасис

Ҳошим зикна кўпириб  
Мақтаса-да “беш”ини.  
Кўчирмоққа кўрсатмас  
Берилган уй ишини.

## 300 СЎМГА — БИР ОЛАМ ҚУВОНЧ

Газетамиз саҳифаларида туғилган кун табрикларини эълон қилиш сиз — муштарийлар учун одатий бўлиб қолгани бизни беҳад қувонтиради. Чунки — ҳар бир боланинг туғилган кундаги севинчу шодликларига нафақат оила аъзолари ва “Тонг юлдузи”, балки республикаимиздаги қолган болалар ҳам шерик бўлишяпти.

Хабарингиз бор, шу пайтгача газета орқали табрик эълон қилдириш учун 100 сўм миқдоридан пул тўланар эди. Ҳозирги пайтда нарх-наволар, қоғоз, почта хизмати ҳақларининг кундан-кун ошиб бораётганлиги, “Табриклаймиз!” руҳимизга ҳам ўз таъсирини ўтказмай қолмади. Шу муносабат билан бу йил 1 октябрдан газета орқали табрик эълон қилдириш ҳақи 300 СЎМ қилиб белгиланди. Шундай бўлишига қарамай, бир йилда бир марта нишонланадиган фарзандлари туғилган кунда 300 сўм пулини аямайдиган ота-оналар топилади, деган умиддамиз. Бор-йўғи 300 сўм пул тўлаб, фарзандингиз учун ажойиб, қутилмаган совға ҳамда бир олам қувонч бахш этишини истасангиз, “Тонг юлдузи”

хизматингизга тайёр. Фарзандларингизга аталган жамики эзгу-ниятларингизни газета орқали изҳор этишингиз учун яратилган имкониятни қўлдан бой берманг.

Бунинг учун “Тонг юлдузи” ҳисобига 300 сўм миқдоридан пул ўтказганлигингиз ҳақидаги квитанция ҳамда фарзандингизнинг оқ-қора тасвирдаги суратини бир ой олдин бизга юборсангиз кифоя. Бу ёғини бизга қўйиб бераверинг.

Бизнинг реквизит: **ЎЗБЕКИСТОН САНОАТ-ҚУРИЛИШ БАНКИНИНГ ТОШКЕНТ ШАҲАР БЎЛИМИ**. Ҳисоб рақами: 000363106, код: 172682328. корр. счёт: 300166428.

Агарда муҳарририятимизга келиш имконига эга бўлсангиз манзилгоҳимиз қуйидагича:

**ТОШКЕНТ ШАҲРИ, 700083, МАТБУОТЧИЛАР КЎЧАСИ, 32-УЙ.**



Хитой Халқ Республикаси, Шинжон-уйғур автоном туманининг “Торим ғунчалари” ойномасидан олинди.



Қадри синфдошларимиз Рустамбек, Маҳфузахон, Исомиддин, Маҳлиёхон, Бунёдбек, Дилнозахон, Муроджон! Туғилган кунларингиз муборак бўлсин! Сизларга узоқ умр, сиҳат-саломатлик тилаймиз. Ўқиш ва ишларингизда доим омад ёр бўлсин!

Самимий тилаклар билан, синф раҳбарингиз ва синфдошларингиз.

Андижон вилояти, Хўжаобод тумани, М. Жўраев номи мактаб. 7-“В” синф ўқувчилари.

**ТАБРИКЛАЙМИЗ!**

Бош муҳаррир: Ақром БЕРДИМУРОДОВ.

Таҳрир ҳайъати:  
Ф. ЖАЛИЛОВА, Т. КАРИМОВ, А. КЎЧИМОВ,  
М. ПИРМАТОВ /масъул котиб/,  
М. РАҲИМБЕРДИЕВА, Ш. СУННАТОВ,  
Д. ТУРАХМЕТОВА.

Таъсис этувчилар: ЎЗБЕКИСТОН  
ҒИ МАРКАЗИЙ ҚЎМИТАСИ,  
ЎЗБЕКИСТОН РЕСПУБЛИКАСИ  
ХАЛҚ ТАЪЛИМИ ВАЗИРЛИГИ

Газета 1929 йил, 1 августдан “Ленин учкуни”  
номи билан чиқа бошлаган.

Газета ҳафтанинг чоршанба кўни чиқади

Маълумот учун телефон: 33-49-45

Бизнинг манзилгоҳ:  
700083. ТОШКЕНТ ШАҲРИ,  
МАТБУОТЧИЛАР КЎЧАСИ, 32-УЙ.  
Нашр кўрсаткичи: 64563

Ўзбекистон Республикаси Президенти Маҳкамасининг Ишлар бошқармаси ҳузуридаги “ШАРҚ” нашриёт-матбаа концерни.

Газета IBM компьютерида терилди ва саҳифаланди. Корхона манзили: “Буюк Турон” кўчаси, 41-уй.

Рўйхатдан ўтиш тартиби № 000137. Буюртма № Г-544. 29499 нусхада босилди. Ҳажми — 1 босма табоқ. Офсет усулида босилган. Қоғоз бичими А-3.

Босишга топшириш вақти 19.00. Босишга топширилди 19.00.

1 2 3 4 5 6